

UGOVOR
o izvođenju molersko-farbarskih radova

Ugovorne strane :

1. **Javna ustanova "Služba za zapošljavanje Kantona Sarajevo" Sarajevo**, sa sjedištem u ul. Đoke Mazalića br. 3, (u daljem tekstu: **Naručilac**), koju zastupa direktor **Midhat Osmanbegović** i
2. **„GROS - COMP“ d.o.o. Hadžići**, sa sjedištem u ulici **Hadželi br. 8.**, koga zastupa direktor **Sead Musić** (u daljem tekstu: **Izvršilac**),

PREDMET UGOVORA

Član 1.

Predmet ovog ugovora je izvođenje molersko-farbarskih radova u poslovnim prostorijama JU "Služba za zapošljavanje Kantona Sarajevo" Sarajevo, prema ponudi broj: 187-01-120/17 od 22.08.2017.godine, koja je sastavni dio ovog ugovora.

IZVOĐENJE RADOVA I GARANCIJA ZA KVALITET

Član 2.

Izvršilac radova se obavezuje da radove iz člana 1. ovog ugovora izvršava u skladu sa specifikacijom radova sačinjene od strane **Naručioca**.

Član 3.

Ugovorne strane su saglasne da se radovi izvode u dane vikenda, a rok za izvršenje radova je 31.12.2017.godine.

Član 4.

Naručilac posla će obezbjediti stalni stručni nadzor za vrijeme izvođenja radova, koji su predmet ovog ugovora.

Nadzor će obavljati lice ovlašteno od strane **Naručioca** posla.

Član 5.

Izvršilac se obavezuje da će otklanjanje nedostataka izvršiti u roku od 5 dana od dobijanja pismene obavijesti od strane **Naručioca** posla.

Ukoliko se Izvršilac ne odazove i ne otkloni nedostatke po obavijesti **naručioca** posla, **Naručilac** je ovlašten da za otklanjanje istih angažuje drugo pravno ili fizičko lice, i da nastalim troškovima tereti Izvršioca.

OBRAČUN I NAČIN PLAĆANJA

Član 6.

Vrijednost ugovora sa uračunatim PDV-om iznosi: 14.847,00 KM (slovima: četrnaest hiljada osam stotina četrdeset sedam i 00/100 KM)

USLOVI I NAČIN PLAĆANJA

Član 7.

Osnov za plaćanje usluga je račun, uz koji će Izvršilac radova dostaviti specifikaciju izvršenih radova sa naznačenom površinom i jediničnim cijenama izvršenih radova, koja je ovjerena od strane ovlaštenog lica Naručioca da je usluga obavljena.

Ugovorenu cijenu Naručilac usluga će uplatiti u roku od 15 dana po ispostavljanju validnog računa, na transakcijski račun Izvršioca usluga.

Faktura se ispostavlja na adresu Naručioca: Javna ustanova „Služba za zapošljavanje Kantona Sarajevo“ Sarajevo, Đoke Mazalića broj 3, 71 000 Sarajevo.

PRELAZNE I ZAVRŠNE ODREDBE

Član 8.

Sve eventualne nesporazume, nastale u realizaciji ovog ugovora, ugovorne strane će nastojati da riješe međusobnim dogovorom, a u slučaju spora nadležan je Sud u Sarajevu.

Član 9.

Ovaj ugovor je sačinjen u 4 (četiri) istovjetna primjerka, od kojih za svaku ugovorenu stranu po 2 (dva).

Član 10.

Ugovor stupa na snagu danom obostranog potpisivanja.

„GROS - COMP“ d.o.o. Hadžići



Zastupan po :

Direktoru, Sead Music



Broj: 271-02-46/17

Sarajevo, 10.10.2017



Služba za zapošljavanje Kantona Sarajevo Sarajevo

Zastupan po :

Direktoru, Osmanbegović Midhatu

Broj: 01-01-2286/17

Sarajevo, 09.10.2017

